

葛

約

補
略

醫約補畧

附死候概要一卷

六一草堂醫學叢書總序

遜清乾嘉之際通儒碩學達官貴人競事刻書搜索所至雖殘篇斷簡不遺故當時所輯之叢書爲特多而一介寒素畢生心血賴以存諸世者正復不尠夫當著書之時殆無有不抱流傳久遠之念者顧或鼠食蟲殘毀其稿本則是書初未嘗出乎篋中其有轉相鈔寫稍流人間然副本不多苟不幸而遇刀兵之災勢亦將同歸於盡欲期一書之流傳久遠非付諸梨棗殆無他道然此初非易事而作者什九鮮其力終必待好刻書者始克成之故著書於文獻固有所貢而刻書者導之入於世之功初不下之乾嘉諸老之有功於文獻卽在斯耳予友龔子香圃邃於醫學

而搜羅醫籍尤爲盡力其於未刊稿本更珍視之今年夏槓歷年所得及其自著都爲十二種分輯叢書四集擬刊行之十二種中半爲其外王父雷公少逸著雷公固嘗專力於著書而無會以盡刻其書者也今龔子竟成之可謂能完其先輩志矣夫龔子以醫活當世人者也然其不自足更以餘力事著述以活後世人復分其財而完先輩之志其所貢初不僅在於文獻而功且浮於乾嘉諸老子將以斯書流傳遠且廣以論龔子濟世之功更望龔子續有所得而續刊之也

民國拾五年丙寅夏同里戴銘禮序

原序

古之所謂百藝之中惟醫最難何爲難也難莫難于辨證用藥夫證有相似藥有寒涼設或投治少差存亡在於反掌卽據諸子羣書詳有大篇悉屬支離繁碎學者如涉海問津安得其要訣乎余自習于醫業最患傷生故寢饋於斯者約二十餘年頗覺其有意義也故摘前賢之要旨選經驗之良方集成一卷名曰醫學津梁非敢詡通方藥蓋取其從淺入深之意也使指歸有屬庶幾彼岸可登則步履易幾豈致半途駐足論語云中人以下不可語上也俾同志者開卷瞭然心如明鏡再叅先哲諸書細心審辦庶不至自誤以誤人耳是爲序

時

同治貳年孟春月吉日

柯城芝田程鑑題于如漁舟書舍

新序

約之云者取其精華而去其敷衍之謂也天道之千變萬化而要不離乎陰陽地
形之千變萬化而要不離乎水陸人事之千變萬化而要不離乎情理至疾病之
千變萬化豈若海洋浩蕩無際涯耶亦猶天道地形人事之有所以約之者在也
醫約一書程芝田先生博考羣書叅以心得融會貫通精心結撰筆之於書以授
門人雷逸仙逸仙授其男少逸少逸精通醫理求治者罔不獲效所著時病論等
書早已不脛而走海內風行醫約一書亦擬付諸梨棗以公同好惜未刊行而身
已歿予乃少逸先生之外孫幼卽有志於醫朝稽夕考口誦心維念餘年來本其
心得加以經驗日記月抄不下數十百條證之醫約其相同者十八九其脫略者
十一二於以歎醫學之精華已被程芝田先生擷取而幾靡遺矣此書原名醫學
津梁昔金壇王肯堂曾著醫鏡一書後陳洙恐與江氏醫鏡相混重訂時易名醫
學津梁今先生此書又與江氏重訂名同予恐後世名目難分亦倣其例改爲醫

約不特名稱不混與書中之宗旨亦相脗合蓋約者取其精華而去其敷衍者也如甘辛鹹苦酸可以盡天下之味如宮商角徵羽可以括天下之音如紅黃藍白黑可以賅天下之色孔子曰以約失之者鮮矣吾於醫亦云然至脫略者則補之列於篇後加圍按二字以清眉目不敢自詡優勝於前輩也醫以救人生命爲第一要義祕而不宣於心實有不忍且有不安耳

時在

民國十四年十月二日卽古歷八月中秋日香圃龔時瑞序於三衢之六一草堂

程氏醫約序

醫約一書都凡四卷分門別類系案以方原名醫學津梁西安芝田程氏箸自清同治二年授門人雷氏逸仙逸仙傳子少逸嗣是迄今爲少逸外孫龔氏香圃檢取而增按語易斯名以刊行之竊歎此六十年前之私家述作輾轉遺傳而不沒何其幸也顧爲余清史徵書所未遇則又何哉香圃以姻誼故問序於余余乃素

稔雷氏者憶昔高堂侍下凡偶違和輒延少逸俵方泊先通議假歸養疴調治多出其手惜不久渠歸道山余亦求艾采苓都成永感而鞠育事漸興講及攝衛因復與諸歧黃家相過從就中以陳玉如崔樸甫兩君較親近兩君固精於醫而不欲箸述以表見也少逸則先有時病論刊本行世及此時此書正流離於靈素叢帙中或故潛其形以埃後之識者如香圃徐來把翫將與襮揚而光大之歟斯則有此書不可無香圃有香圃益不可無此書已雖然余竊邑志代有名醫若方岷全書病機賦注解各編欲徵以供史材而卒不果倘亦如醫約者之不易觀乎香圃能繼此幸獲焉不特爲功文獻有造於醫學亦大矣至醫約之原箸精純按語詳贍讀者能自得之奈何喋喋爲

中華民國十五年丙寅二月

心柏葉師蘊

醫約王序

醫約一書程芝田先生所著也原名醫學津梁授其門人雷逸仙逸仙命其子少

逸編輯之輯既成將付梓少逸歿不果刊六一子璽君香園少逸之外孫也研究醫學有年矣如黃帝靈素越人問難叔和脈學孫思邈之千金張仲景之傷寒金匱頗有心得以及張子和劉河間朱丹溪李東垣諸名家各醫書亦無不淹貫精通故凡求診者咸稱其有回春之妙焉今搜求少逸所遺諸醫書見其均能發明精當簡而又賅且與已之所經驗者多相脗合但其書未刊行世若任其散佚殊覺可惜於是將其中之醫學津梁一書先行校勘更補其略又慮其與昔時江氏醫學津梁相混改名醫約亟速付梨以承外祖之志其他多種尙在校定容俟續梓香園_瑄之姊丈也知_瑄喜究醫理凡前輩諸醫書靡不徧讀一日持是書以相質證且告之曰此書簡而不繁明而易悉誠醫學之津梁也_瑄受而讀之歎曰善哉是書誠能探造化之原窮陰陽之蘊更於諸醫書而包括靡遺安可以尋常目之哉其亟刊之勿遲歲乙丑仲冬付梓閱五月而書成爰綴數言以弁其首并告世之閱是書者柯城後學晴川王厚_瑄謹序

醫約序

余稟質孱弱比歲依人達道案居多感鬱積既久遂成怔忡每有思索輒不成寐而又不甘稍自逸豫讀書常至午夜丙寅春病大劇幾殆因竊自悔方余少時頗好載籍而未嘗涉獵醫藥之書於養身之道略不留意及病之既劇而後圖之難已迺稍稍流覽一二方書以自廣然每一展卷茫然如涉大海之湯湯浩漭不見其涯涘頭緒紛繁不可鯁理輒復棄去然後知醫雖小道自有其至欲成一藝非易事也今年春友人龔香圃以醫約一書見示且屬爲序醫約者西安程芝田先生所著程先生爲吾邑名醫其著此書自謂寢饋于其間者二十餘年摘前賢之要旨選經驗之良方而成蓋其用心之勤如此香圃遠紹程先生之學其傳授源流備其自爲序今特增補而校刊之梓以行世可謂不忘其本淵者矣原書凡四卷初名醫學津梁香圃恐其名與王氏醫學津梁一書相混易以今名其爲書簡而名約而賅雖門類無多而大要略備使初學者閱之免徬徨歧路之苦焉余

於醫固無能爲役然讀此書輒有微悟又嘉香圃用意之盛乃序而還之世有志醫道而未得津梁者讀此書其亦可以少償其欲也夫

中華民國十六年二月若谷鄭曠

醫約總目

卷之一

中風

類中風

虛勞

吐血

欬嗽

喘症

嘔吐噦

噎膈

痰飲

水腫

鼓脹

積聚

卷之二

傷寒

傷暑

頭痛

心痛

腰痛

疝氣

痿症

痺症

癘風

瘧症

黃疸

汗症

卷之三

顛狂癇

驚悸恐

不能食

不得臥

痢症

泄瀉

遺精

赤白濁

淋症

大便不通

小便不通

小便不禁

卷之四

婦人門

月經不調

暴崩下血

惡阻

帶下

診有孕脈法

胎動不安

胎漏

藥忌

半產

臨產調理法

產後調理法

產後乳疾

醫約卷之一

(原名醫學津梁)

程芝田先生原著

後學龔香圃補略

中風門

中風者。有中腑、中臟、中血脈之殊。中腑者在表。外顯六經之形症。與傷寒傳變無異。卽治法亦同也。中臟者在裏。如不語中心。唇緩中脾。鼻塞中肺。目瞽中肝。耳聾中腎。此風邪直入於裏也。宜分閉脫二症。閉者。牙關緊急。兩手握固。藥宜疏風開竅。脫者。口開手撒。眼合。鼾睡遺尿。藥宜溫補元氣。中血脈者。在半表半裏之間。如口眼喎斜。半身不遂。藥宜和解散風。此中風之大法也。

(圖按)中風北人屬寒宜散、南人屬火宜清、又有痲症、乃純虛無邪、不可誤用風藥、服地黃飲子甚效、

附方

地黃飲子

桂心

肉苁蓉

附子

茯苓

巴吉

川石斛

麥冬

熟地黃

菖蒲

五味子

遠志

萸肉

薄荷

此方、治舌瘡不能言、足廢不能行、

小續命湯

治中風總方。

麻黃去節

防風

川芎

桑葉

白芍炒

防己

炙草

官桂

杏仁去皮尖研

人參去蘆

附子泡

加生薑煎服。

(又按)小續命湯載於千金方中爲治中風一切之要方凡六脈浮緊風氣太

盛心火暴升痰涎壅遏於經絡者均宜之然則以此方混治中風無分

經絡不辨表裏虛實寒熱而妄投之反增病劇

秦艽升麻湯

治中風口眼喎斜。四肢拘急。惡風寒。

升麻

葛根

甘草

白芷

人參

秦艽

白芍

防風 桂枝 加葱白煎服。

神仙解語丹 治中風不語。

附子 一兩

石菖蒲 一兩

全蝎 去尾 一兩

羌活 一兩

遠志 甘草水炒 一兩

木香 五錢

膽星 一兩

天麻 一兩

右爲末。麵糊丸。如龍眼大。每服一丸。薄荷湯下。

三生飲 治痰迷卒中。

生南星

生川烏 去皮

生附子

廣木香

加生薑煎服。

獨活湯 治癰癥昏憤。

獨活

羌活 當歸

防風

細辛

桂心

川芎

人參

菖蒲

茯神

遠志

白薇

甘草

加薑、棗、煎服。

大秦芄湯 治半身不遂。口眼歪斜。

人中寒

甲厥冷嘔多而暴痛也

乙附子理中湯

乙中暑

甲赤日中行而卒倒也

乙加減參黃散

乙濕中

甲濕痰壅塞而秘也

乙五苓散

乙火中

甲面赤煩渴唇燥而便閉

乙加味逍遙散

乙氣中

甲因憂怒而閉塞無音

乙木火順氣散

秦艽 生地 白朮 細辛 甘草 熟地 防風

川芎 茯苓 白芷 當歸 羌活 獨活 白芍

黃芩 水煎服。

類中風

類中風者。與真中相似而實不同也。方書分爲八種。乃寒、暑、濕、火、氣、食、虛、惡、是也。蓋寒則厥冷嘔瀉而暴痛也。暑則赤日中行而卒倒也。濕則痰涎壅盛而秘塞也。火則面赤煩渴唇燥而便閉。氣則因於盛怒而閉塞無音。食則因於過飽而胸膈滿悶。虛則面饒白而鼻息輕微。惡則登塚入廟而卒然頭面青黯。症分八種。選成八方。以備加減。

(圍按)類中八種外、尤有情志傷 而似中腑中經之風狀、宜調榮養血 不可用風門套藥、擬人參養榮湯、方列虛勞門中、

附子理中湯 治中寒。

甲 溫飽而胸膈
 乙 古麵入湯
 甲 胃而鼻息
 乙 歸脾湯
 甲 登壇入廟蓋
 乙 神木粉

炒乾薑 泡附子 人參 炙甘草 白朮土炒 製厚樸

官桂末

加減香需飲 治中暑。

香需 厚樸 赤芍 陳皮 麥冬 茯苓 扁豆

半夏 木瓜 藿香 枳殼 甘草

五苓散 治中濕。

茯苓 猪苓 白朮 澤瀉 肉桂

如痰多。加半夏、藟子、

加味逍遙散 治中火。

柴胡 白朮 當歸 丹皮 茯苓 甘草 白芍

炒山梔各一錢 加薄荷五分。水煎服。

木香順氣散 治氣中。